


Zoshâng wùì nghap sé yù râ mhô-myî



Laiká buk dang-u : Zoshâng wuì nghap sé yù râ mhô-myí

Mhô-myí ká sû : Chúmlut Nóng Lat

Alhô soî sû : Sara Kwe Moo

Myíng : Zaiwâ

Hí saî htoq chyam é buì nyì : April, 2013.

Book Title : Story for Kids.

Author : Chúmlut Nong Lat.

Artist : Kwe Moo.


Language : Zaiwâ

Test edition : April, 2013.

Gyai dat shogyô é ngonoq radû é hkyô



Wà rawà má, Gám Bung gâ é zorâm zo rayuq nyi ri. Gám Bung gi, ranyí lê é myín htâng zó má, wà hkaû mâ é yhâng luzúm pê chyáng lám kún râ ga luî, htoq yông e ló ri.



Yhang e ló é hkyô má, ngonoq gyai myo shoq
yán laî nyi é lé é myang ri. Gám Bung gi, ngonoq
shí bang, hái jung kut nyi akô laq ga sé naû luî,
haq wú yap nyi ri.



Nongoq haú bang gi, yhûm xau mai, yhûmsik
shut htot ló nyi akô nghut ri. Nongoq haú hpûng
má, je kô é nongoq radu bo ri. Haú du gi, yhó
za sô nyi é lé Gám Bung myang kat ri.
Gám Bung gi, nongoq mó haû lé, tsuq za kut
luî wú nyi ri.



Ngonoq mó haû gi, myoq a-myang é nghut é
lé sê wú kat ri. Ngonoq mó haû gi, yhâng é nhut
má, wáse rahkat ngat tô ri. Wase hau é rahtâng
shut nghut jáng gi, myoq myang é ngonoq radu
ngat luî hkyô tûn shit nyi é lé, sê wú kat bê nghut
ri.




Gám Bung gi,'Dusat nghut é ngonoq lháng, chyit
dap shagyo myit bo ri nhung' ga myit yu ri.


Shî mhô-myi mai, ngá moq mhoq yû râ hkyô gi;

Dusat pé lháng wuî hke jam jau hui sû lé,
chyit dap shagyo sê é nghut le, ngá nhúng byù
nghut bang gi, je yhang shagyo chyit dap myit
bô râ lhê ó.....

Woq hkaítô eq Zûn é mhô-myî




Hí hpyang lé, woq hkaí tô í du nyi akô.




Ranyí lê é buì nyí má, woq haú nhik gi, chôm htê
lhûm a kô.



Ûng sû gi, Shuî u sû, kut râ dong nghut
ri.Jahtûm má radu sû ung ri. Sum é woq hkaí
tô gi, hoq byuq luî, hpang haq byuq ri.



Ung é woq hkaí tô gi, gyai gaù, gyai shakông é eq, yhûm hkûng htoq má ló dâng yap luî, yhâng é dung lò mó lé lhâng, hpak hpak ga, gyai myîng shoq bat hik kat é htoq agó, yhang ung é hkyô lé dun bang wó gyo shoq garû kat ri.



Ûng bê ga garû kat é htê lé, yhángmoq é awui ayàm má dâng lhing wún nyi é zùn mó radu wó gyô kat luî, lhap hpyat é htoq je lawán é dong, dâng gyó lô mû, ung é hkaí tô lé, kyaq waq dâng ló byuq bê nghut ri.

Shí mhoq-myí mai wó mhoq sê yù râ hkyô gi,rayuq
eq rayuq zân lhum ,byoq lhum luî,ung é sû nghut
kó le,agun awó gum rông, haî mû gâ le,yhûm sing
é hí shut, haí jung dum xoq dut lô râ lé ó asé,
nghu é hkyô nghut lhê.

